

# Vuk'uzenzele




Produced by Government Communications (GCIS)

Sesotho/English

| January 2017

## Infrastructure boost for schools

**GOVERNMENT'S PROGRAMME** for ensuring that learners have access to quality education infrastructure is making progress.



**Councillors must transform communities**

Page 4



**Gogos on the go**

Page 7



Minister of Basic Education Angie Motshekga interacts with learners at the launch of Bhungu Junior Primary school in Libode.

### Siya Miti

The Eastern Cape has received the lion's share of government's multi-billion Rand Accelerated Schools Infrastructure Delivery Initiative (Asidi) programme, with over half of the schools built as part of the programme in the province, President Jacob Zuma said.

The President was speaking at the sitting of the National Council of Provinces in East London shortly after Basic Education Minister Angie Motshekga launched Bhungu Junior Primary School near Libode built as part of Asidi. The school cost R24 million.

Asidi is an R8.2-billion programme that is part of government's Strategic Infrastructure Projects effort, which aims to replace unsafe mud, asbestos and plank structures with solid structures.

**"Since 2014, we have provided electricity to 180 schools, sanitation to 167 schools and water to another 248 schools."**

"In the Eastern Cape alone, government has to date built 130 new state-of-the-

art schools," said President Zuma.

Many of the schools built through Asidi have computer labs with Internet access, science laboratories and resource centres. Being no-fee schools in poor areas, they also have nutrition centres.

Since September this year, the Department of Basic Education has handed over no less than seven state-of-the-art schools to communities in the Eastern Cape, among them the R49 million Mxhume Secondary School and the R22 million Luxeni Secondary School in villages outside Lusikisiki and Mthatha.

Since its inception in 2011,

Asidi has provided water to 617 schools, sanitation to 425 schools and electricity to 307 schools that previously did not have access to these basic amenities.

Speaking during the opening of Bhungu Junior Primary School, Minister Motshekga said 217 replacement state-of-the-art schools have been built and handed over to communities nationally.

"Since 2014, we have provided electricity to 180 schools, sanitation to 167 schools and water to another 248 schools. We will not rest on our laurels until every South African learner has access to state-of-the-art school infrastructure," she said.



ALSO AVAILABLE ON:



@VukuzenzeleNews

Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0089

**Free Copy**

# Dimasepala di boela sethatong

**LENANEO LA HO BOELA** Sethatong le ba le kgahlamelo e ntle dimasepaleng tse ngata ho ralla le naha.

Stephen Timm

**H**o kena dipakeng ha mmuso – ho thakgotsweng dilemong tse pedi tse fetileng ho thusa dimasepala tse hulang ka thata – jwale ho hlahisa ditholwana.

Lenaneo la ho Boela Sethatong le thakgotsweng ke Lefapha la Kopanelo ya Puso le Merero ya Botjhaba (Cogta) ka kgwedi ya Loetse 2014, le ikemiseditse ho lwantshana le diphephetso tse fapafapaneng tsa mebuso ya lehae. Hona ho kenyelletsa ho hloka botsitso ha dipolotiki le botsamaisi, tlhokomelo e bokowa le ho nka karolo ha setjhaba ho nyehleleng.

Mmuso wa naha o disa ba

ditshupane tsa bohlokwa tse tsamayang le dinako, nehelano ya matlwele le basebetsi hape o kena dipakeng ditleimeng tsa setjhaba le ho nkuweng ha dithoto.

Lenaneo le qala ho hlahisa ditholwana dimasepaleng tse pedi tsa Kapa Botjhabela e leng Masepala wa Motsemoholo wa Nelson Mandela Bay le Masepaleng wa Sundays River Valley.

Ka Phuptjane, Letona la Cogta Des Van Rooyen o itse raporoto ya Mohlakisi Kakaretso e bontsha hore mananeo a mmuso a ho kena dipakeng ha Lenaneo la ho Boela Sethatong le Lenaneo la *Operation Clean Audit* a qala ho bontsha ditholwana ho

tloha dilemong tse mmalwa tse fetileng.

Ka sehla sa 2010/11, e bile dimasepala tse 16 feela mmoho le makala a tsona tse fumaneng hlakiso e sa amohelehang ntle le diphuputso. Hona ho eketsehile ho isa dimasepaleng tse 72 mmoho le makala a tsona. Palo ya dimasepala tse fumaneng ho se itlame le boikgethelo bo itseng di theohetse ho tloha ho tse 102 ka sehla sa 2010/11 ho isa ho tse 43.

Lenaneo la naha la tshekehele ya diphetho tsa hlakiso le thakgotsweng ho tataisa diporofense le dimasepala dikarolong tsa bohlokwa le tse lokelwang ho phethahatswa kotareng



enngwe le enngwe ho ya ka diphetho tsa hlakiso.

Ho tloha ka Phuptjane, ke diqoso tse 2 665 tsa kgalemo le tsa ho tebelwa mosebetsing tse phatlaladitsweng sesuing sa basebetsi ba tebetsweng mosebetsing le ba tlohetseng mosebetsi pele ho phethelwa ditsamaiso tsa diqoso tsa bona tsa kgalemo.

Sesiu sena se sebetsa hape jwaloka setsha se mahareng sa tlhahisoleding e tsamaisanang le ditsamaiso tsa diqoso tsa kgalemelo mme

se neha masepala matla a ho "pepesa" maloko a basebetsi a tebetsweng ka lebaka la maitshwaro a mabe.

Puong ya hae ya tekanyetsokabo ka kgwedi ya Motsheanong, Letona Van Rooyen o itse maano a motjheng bakeng sa ho eketsa ho nkakarlo ha setjhaba ka mafelo a diwate a phano ya ditshebeletso le ka maano a ntlafatso ya diwate (mohlala, ho lokisa mabone a mebileng ka nako, ho hela jwang le ho thiba moo metsi a dutlang). ▀

## Phano ya ditshebeletso e ba sehlohlolong

Stephen Timm

**H**a a nka setulo sa ho ba motsamaisi ya tshwereng mokobobo Masepaleng wa Motsemoholo wa Nelson Mandela Bay ka Pudungwane 2015, Johan Mettler o ne a tobane le phephetso e kgolo.

Dikomiti tsa diwate di ne di sa kopane kgafetsa, ho ne ho na le tahlehelo ya tjelele e kana ka 18% ya dibili tsa motlakase le 44% ya dibili tsa metsi ao masepala o neng o a reka dikhampaning tse ding, ditjhelete tsa motsemoholo wa masepala di ne di sa laolwe ka tshwanelo mme bobodu bo ne bo eketseha.

"E ne e le nako e hlokolotsi haholo," ho amohela jwalo Mettler, eo e neng e le e mong wa palo ya batho ba batjha ba hirilweng lenaneong la motsemoholo la ho Boela Sethatong.

Ka mora ho thakgolwa ha mananeo a fapaneng a ho kena dipakeng ka tlasa lenaneo la ho Boela Sethatong le qadileng mahareng a selemo sa 2015, dintho di ntlafetse, o buile jwalo.

Jwale e se e le setlamo hore dikomiti tsa diwate di nehelane ka metsotso ya tsona ya dikopano tsa kgwedi le kgwedi masepaleng.

Mohala wa ditlaleho tsa bobodu le bonyofonyofo se o sebetsa jwale, ho kenyelletsa le dipatlisiso tse tharo tse arohaneng tseo ha jwale di seng di phethelwa kamora diraporoto tsa bohlokwa tse neng di se di tletse lerole desekeng ya batsamaisi ba pejana ba masepala.

Kaofela ke diofisiri tsa masepala tse 26 tse amehang bobodung le manyofonyofong, ha ba tshelletseng bona ba tejetswe, ha palo e ngata ya diqoso tsa kgalemelo di ntse di tswela pele.

Motsemoholo ona hape o butse dinyewe tse ngata ho tleleima makgolokgolo a dimilijone tsa diranta ho lefisa diofisiri tsa masepala le bahedi ba ditshebeletso ba belaelwang diketsong tsa bobodu.

Ho thothwa ha matlakala dikarolong tsohle tsa masepala ho se ho etswa beke le beke, ha pejana ho dikarolong tse ding matlakala a ne a

nkuwa hang feela kamora dibeke tse pedi. Ho feta mona, pokello ya tjelele ya direiti e nyolohetse ho tloha ho 88% ho isa ho 93%, ha tshenyehelo ya metsi yona e theohetse tlase ka 37%, ka lebaka la ho kenya tshebetsong mekgwa e nepileng ya tshebetso. Ditshenyehelo tsa motlakase di tla lokiswa ka ho kenya di-smart meter.

Bongata ba mosebetsi ya bohlokwa le bona bo kwetswe, ho kenyelletsa le mosebetsi wa ofisiri e ka sehlohong ya qomatsi, e leng sekgeo se neng se hloleha ho kwalwa dilemong tse nne tse fetileng pele ho mohato wa ho kena dipakeng

Motsemoholo ona qetellong o thakgotse lefapha la ona la sepolesa ka kgwedi ya Motsheanong 2016 leo e leng kgale le emetswe, ka diofisiri tse 50 tse hirilweng ha jwale.

Ho tlatsetsa mona, mekgwa ya tsamaiso ya tshebetso bakeng sa batsamaisi ba ka sehlohong ba masepala e se e le tshebetsong, mmoho le mekgwa ya ho latellisa matsatsi a basebetsi. ▀

## Ho Boela Sethatong bakeng sa Sundays River

Stephen Timm

**M**otsamaisi wa Masepala wa Sundays River Lonwabo Ngoqo o itse masepala o lokisa mebila, o aha polante e ntjha ya ntlafatso ya tlhokomelo ya metsi a ditshila le ho ntlafatso phano ya motlakase.

Ke batho ba fetang ba 250 ba hirilweng ka Lenaneo la Mesebetsi ya Setjhaba (CWP) ho hlwekisa mebila le ho hlokomela ditsha tsa bafu.

Masepala o kenyelletsang bohloko dikarolo tsa mahae, le dikarolo tsa Lefelo la Naha la Ditlou la Addo, o ne o se na diphetho tse ntle tsa tlhakisetso ya ditjhelete sehlang sa 2015/16, empa ho kena dipakeng ha jwale ho thusitse masepala ho fetola maemo.

"Setjhaba se a ehlwa hore mmuso jwale o a sebetsa hape o sekehela diphephetso tsohle tsebe," o buile jwalo. Ho tea mohlala, ha jwale ho na le diporojeke tse robedi tsa tshebetso ya mmila, ho feta ho tse pedi tsa 2014 pele ho lenaneo la ho kena dipakeng.

Ngoqo o itse bakeng sa selemo sena sa ditjhelete, masepala o fumane tjelele ho tswa mafapheng a fapaneng ho tobana le diphephetso tsa phano ya ditshebeletso.

Hona ho kenyelletsa R36 milione ya ho ntlafatso dikgokelo tsa metsi le dipetse,

R32 milione ya tlhokomelo ya mebila, R24 milione bakeng sa tlhokomelo ya metsi a ditshila le R9 milione bakeng sa dikgokelo tsa motlakase, mmoho le R15 milione e sa ntsaneng e le tseleng.

Setsha sa marekelo se setjha sa setjhaba se Kirkwood se tla ahwa ho kena sebakeng se ileng sa tsheswa ke baipelaetsi mme mosebetsi wa ho fumana ditokomane tse lahlehileng mollong o se o qadile.

Ntlafatso ya disebediswa tsa motheo tsa motlakase bakeng sa indasteri ya molamunu e tla ntshetswa pele. Hona ho tla bontsha bohlokwa ka ha masepala e le karolo ya bobedi ya bohlokwa e hodimo e hlahisang ditholwana tsa molamunu ka hara naha.

Ngoqo o itse ho kena dipakeng ho qadile ka selemo sa 2014 ka mora hore ho qalwe komiti ya ho kena dipakeng ke masepala le Lefapha la Kopanelo ya Puso le Merero ya Botjhaba (Cogta).

Ho ile haeba le letoto la *Izimbizo* le maloko a setjhaba, ha diforamo tsa bankakarolo tsona di ne di tshwerwe ke Letona la Kapa Botjhabela Phumulo Masualle.

Ngoqo o itse o ripota kgafetsa ka maemo a mananeo a fapaneng a ho kena dipakeng komiting ya masepala ya tsamaiso. Komiti eo e kenyelletsa baemedi ba mafapha a fapaneng le dikarolo tsa ona. ▀